

Na osnovu člana 64. stav (1) tačka a), člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), a na osnovu preporuke Komisije za javnu nabavku, nakon provedenog otvorenog postupka javne nabavke radova, Pomoćnik gradonačelnika za Službu za komunalne poslove, izgradnju i poslove mjesnih zajednica, donosi

ODLUKU **o izboru najpovoljnijeg ponuđača**

Član 1.

Ugovor za javnu nabavku radova – Sanacija „Prvog“ jezera u sklopu kompleksa **Panonskih jezera u Tuzli – I faza**, dodjeljuje se ponuđaču „**NOBILIS**“ d.o.o. Sarajevo, za ponudenu cijenu od **891.086,28 KM bez PDV-a**, odnosno **1.042.570,95 KM sa PDV-om**.

Član 2.

Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama Bosne i Hercegovine.

Član 3.

Ova odluka objavit će se na web stranici ugovornog organa (www.tuzla.ba) istovremeno sa njenim dostavljanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05/11-A-009569-2026 od 01.07.2026. godine.

Postupak javne nabavke proveden je putem otvorenog postupka, za koji je na Portalu javnih nabavki objavljeno Obavještenje o nabavci broj: 1004-1-3-112-3-180/26 dana 02.07.2026. godine.

Postupak javne nabavke provela je Komisija za javnu nabavku imenovana Rješenjem broj: 05/11-A-009569-2026 od 01.07.2026. godine.

Komisija je u toku postupka javne nabavke izvršila otvaranje, pregled i ocjenu blagovremeno pristigle ponude u skladu sa uslovima i kriterijima utvrđenim tenderskom dokumentacijom.

U postupku javne nabavke utvrđeno je:

- da je pristigla 1 (jedna) ponuda;
- da je blagovremeno zaprimljena 1 (jedna) ponuda;
- da nije bilo neblagovremeno zaprimljenih ponuda;
- da nije bilo neprihvatljivih ponuda;
- da je 1 (jedna) ponuda ocijenjena prihvatljivom.

U postupku donošenja ove odluke posebno je cijenjena činjenica da je Komisija pravilno i potpuno izvršila pregled i ocjenu ponude, u skladu sa odredbama Zakona o javnim nabavkama Bosne i Hercegovine i zahtjevima iz tenderske dokumentacije.

Prilikom ocjene provedenog postupka ugovorni organ nije utvrdio nepravilnosti niti propuste u radu Komisije koji bi predstavljali osnov za neprihvatanje njene preporuke.

Uvidom u Zapisnik o pregledu i ocjeni ponuda utvrđeno je da je ponuđač „NOBILIS“ d.o.o. Sarajevo dostavio prihvatljivu ponudu koja ispunjava sve uslove propisane tenderskom dokumentacijom.

Detaljno obrazloženje razloga za izbor najpovoljnijeg ponuđača sadržano je u Zapisniku o pregledu i ocjeni ponuda, koji se, uz ovu odluku, dostavlja svim ponuđačima koji su učestvovali u predmetnom postupku javne nabavke.

S obzirom na navedeno, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba u roku od 10 (deset) dana od dana prijema ove odluke, Uredu za razmatranje žalbi putem ugovornog organa.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za komunalne poslove, izgradnju
i poslove mjesnih zajednica
Broj: 05/11-A-009569-2026
Datum, 27.07.2026.godine

Pomoćnik gradonačelnika za Službu za
komunalne poslove, izgradnju i poslove
mjesnih zajednica
Dr.sc. Miralem Mulac, dipl.ing.geol.

